

3. ŠUKRIJA ZVIZDIĆ, član

II.

Ovo rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-05-1741-5.1/11  
1. februara 2011. godine  
Sarajevo

Premijer  
**Fikret Musić**, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 64. stav 7. Zakona o zdravstvenoj zaštiti ("Službene novine Federacije BiH", broj 46/10), Vlada Kantona Sarajevo, na Trećoj sjednici održanoj 1. februara 2011. godine, donijela je

**RJEŠENJE**

**O RAZRJEŠENJU V. D. PREDSJEDNIKA UPRAVNOG ODBORA JU OPĆA BOLNICA "PRIM. DR. ABDULAH NAKAŠ"**

I.

Doc. dr. ENRA SULJIĆ-MEHMEDIKA razrješava se dužnosti v. d. predsjednika Upravnog odbora JU Opća bolnica "Prim. dr. Abdulah Nakaš", zbog isteka mandata.

II.

Ovo rješenje će se objaviti u "Službenim novinama Kantona Sarajevo".

Broj 02-05-1741-6.1/11  
1. februara 2011. godine  
Sarajevo

Premijer  
**Fikret Musić**, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 64. stav 7. Zakona o zdravstvenoj zaštiti ("Službene novine Federacije BiH", broj 46/10), Vlada Kantona Sarajevo, na Trećoj sjednici održanoj 1. februara 2011. godine, donijela je

**RJEŠENJE**

**O RAZRJEŠENJU V. D. ČLANA UPRAVNOG ODBORA JU ZAVOD ZA MEDICINU RADA KANTONA SARAJEVO**

I.

Prim. dr. MEHMED POLIĆ razrješava se dužnosti v. d. člana Upravnog odbora JU Zavod za medicinu rada Kantona Sarajevo, zbog isteka mandata.

II.

Ovo rješenje će se objaviti u "Službenim novinama Kantona Sarajevo".

Broj 02-05-1741-6.2/11  
1. februara 2011. godine  
Sarajevo

Premijer  
**Fikret Musić**, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 64. stav 7. Zakona o zdravstvenoj zaštiti ("Službene novine Federacije BiH", broj 46/10), Vlada Kantona Sarajevo, na Trećoj sjednici održanoj 1. februara 2011. godine, donijela je

**RJEŠENJE**

**O RAZRJEŠENJU V. D. ČLANA UPRAVNOG ODBORA JU KANTONA SARAJEVO ZAVOD ZA ZAŠTITU ZDRAVLJA STUDENATA UNIVERZITETA U SARAJEVU**

I.

Dr. MUVEHIDA ŽILIĆ-SULJEVIĆ razrješava se dužnosti v. d. člana Upravnog odbora JU Kantona Sarajevo Zavod za zaštitu zdravlja studenata Univerziteta u Sarajevu, zbog isteka mandata.

II.

Ovo Rješenje će se objaviti u "Službenim novinama Kantona Sarajevo".

Broj 02-05-1741-6.3/11  
1. februara 2011. godine  
Sarajevo

Premijer  
**Fikret Musić**, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 64. stav 7. Zakona o zdravstvenoj zaštiti ("Službene novine Federacije BiH", broj 46/10), Vlada Kantona Sarajevo, na Trećoj sjednici održanoj 1. februara 2011. godine, donijela je

**RJEŠENJE**

**O RAZRJEŠENJU V. D. ČLANA UPRAVNOG ODBORA JU ZAVOD ZA HITNU MEDICINSKU POMOĆ KANTONA SARAJEVO**

I.

Prim. dr. ABDULKERIM FAZLIĆ razrješava se dužnosti v. d. člana Upravnog odbora JU Zavod za hitnu medicinsku pomoć Kantona Sarajevo, zbog isteka mandata.

II.

Ovo rješenje će se objaviti u "Službenim novinama Kantona Sarajevo".

Broj 02-05-1741-6.4/11  
1. februara 2011. godine  
Sarajevo

Premijer  
**Fikret Musić**, s. r.

**Ministarstvo obrazovanja i nauke**

Na osnovu člana 66. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 46. stav (7) Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", broj 26/08 i 21/09), ministar obrazovanja i nauke Kantona Sarajevo donosi

**PRAVILNIK**

**O IZBORU I IMENOVANJU UPRAVNIH I NADZORNIH ODBORA PREDŠKOLSKIH USTANOVA KANTONA SARAJEVO**

Član 1.  
(Predmet pravilnika)

- (1) Ovim pravilnikom uređuju se pitanja izbora i imenovanja upravnih odbora i nadzornih odbora i predstavlja opći okvir za uređivanje ove materije, a primjenjivat će se u svim predškolskim ustanovama u Kantonu Sarajevo.
- (2) Terminološko korištenje muškog ili ženskog roda u ovom pravilniku podrazumijeva uključivanje oba roda.

Član 2.

(Poslovi upravnog odbora)

Upravni odbor predškolske ustanove, pored poslova utvrđenih zakonom, obavlja i sljedeće poslove:

- a) donosi pravila ustanove;
- b) imenuje i razrješava direktora;
- c) donosi planove rada i razvoja;
- d) donosi godišnji program rada;
- e) donosi finansijski plan i usvaja godišnji obračun;
- f) donosi opći akt o unutrašnjoj organizaciji i sistematizaciji poslova i druge opće akte, u skladu sa pravilima ustanove;
- g) odlučuje o svim pitanjima obavljanja djelatnosti radi kojih je ustanova osnovana, usmjerava, kontrolira i ocjenjuje rad direktora;
- h) rješava sva pitanja odnosa sa osnivačem;
- i) odlučuje o korištenju sredstava preko iznosa utvrđenog pravilima ustanove;
- j) odgovara osnivaču za rezultate rada ustanove;
- k) donosi odluku o raspisivanju konkursa za izbor zaposlenika;
- l) odlučuje o žalbama po konkursu;
- m) odlučuje o prigovoru zaposlenika na rješenje o pravu, obavezi i odgovornosti zaposlenika iz radnog odnosa;
- n) podnosi osnivaču najmanje jedanput godišnje izvještaj o poslovanju ustanove;
- o) razmatra plan upisa djece;
- p) razmatra rezultate predškolskog odgoja i obrazovanja;
- r) odlučuje o prigovoru roditelja na rad i odnos zaposlenika prema djeci;
- s) obavlja druge poslove u skladu sa zakonom i pravilima predškolske ustanove.

Član 3.

(Poslovi nadzornog odbora)

- (1) Nadzorni odbor predškolske ustanove, pored poslova utvrđenih zakonom, obavlja i sljedeće poslove:
  - a) vrši kontrolu finansijsko - materijalnog poslovanja ustanove;
  - b) analizira izvještaje o poslovanju ustanove;
  - c) obavlja nadzor nad upotrebom sredstava za rad, pregleda godišnji izvještaj o poslovanju i godišnji obračun;
  - d) pregleda i provjerava urednost i zakonitost vođenja poslovnih knjiga;
  - e) izvještava osnivača/Ministarstvo obrazovanja i nauke Kantona Sarajevo (u daljnjem tekstu: Ministarstvo), upravni odbor i direktora o rezultatima nadzora.
- (2) Izvještaj iz stava (1) tačka e) nadzorni odbor podnosi osnivaču najmanje jedanput godišnje.

Član 4.

(Način rada upravnog/nadzornog odbora)

- (1) Način rada upravnog/nadzornog odbora regulirat će se poslovníkom o radu.
- (2) Načrt poslovníka o radu upravnog/nadzornog odbora predškolske ustanove kao javne ustanove utvrđuje Ministarstvo.
- (3) Poslovník iz stava (1) ovog člana donosi upravni/nadzorni odbor najkasnije u roku od 30 dana od održavanja prvog sastanka.
- (4) Upravni/nadzorni odbor predškolske ustanove kao javne ustanove usvojeni tekst poslovníka o radu dostavlja na saglasnost Ministarstvu.

Član 5.

(Sastav upravnog odbora)

- (1) Upravni odbor predškolske ustanove kao javne ustanove kojoj je osnivač Kanton broji pet članova, a sačinjavaju ga jedan predstavnik kojeg imenuje Ministarstvo koji je ujedno

i predsjednik, dva predstavnika roditelja djece i dva predstavnika iz reda zaposlenika predškolske ustanove.

- (2) Broj članova upravnog odbora predškolske ustanove kao ustanove određuje se osnivačkim aktom u skladu sa Zakonom, a sačinjavaju ga predstavnici osnivača, Ministarstva, roditelja, odnosno staratelja (u daljnjem tekstu: roditelja) i stručnih saradnika predškolske ustanove.
- (3) Upravni odbor po svom sastavu treba da odražava nacionalnu strukturu zajednice u kojoj predškolska ustanova djeluje.
- (4) Članovi upravnog odbora biraju se na period od 4 godine, sa mogućnošću jednog reizbora.
- (5) Predsjednika i članove upravnog odbora predškolske ustanove kao ustanove imenuje i razrješava osnivač, a predsjednika i članove upravnog odbora predškolske ustanove kao javne ustanove imenuje i razrješava Vlada Kantona Sarajevo (u daljnjem tekstu: Vlada).

Član 6.

(Sastav nadzornog odbora)

- (1) Nadzorni odbor predškolske ustanove kao javne ustanove ima tri člana, a sačinjavaju ga predstavnik Ministarstva koji je ujedno i predsjednik, predstavnik općine na čijem području se nalazi predškolska ustanova i predstavnik stručnih radnika predškolske ustanove.
- (2) Broj članova nadzornog odbora predškolske ustanove kao ustanove utvrđuje se pravilima predškolske ustanove u skladu sa ovim Zakonom, a sačinjavaju ga predstavnik osnivača, Ministarstva i stručnih radnika predškolske ustanove.
- (3) Predsjednika i članove nadzornog odbora predškolske ustanove kao ustanove, imenuje i razrješava osnivač, a predsjednika i članove nadzornog odbora predškolske ustanove kao javne ustanove, imenuje i razrješava Vlada.

Član 7.

(Procedura odabira članova upravnih/nadzornih odbora)

- (1) Upravni/nadzorni odbor predškolske ustanove imenuje se na osnovu javnog poziva kojeg raspisuje Komisija koju imenuje Vlada na prijedlog Ministarstva za predškolsku ustanovu kao javnu ustanovu, odnosno osnivač za predškolsku ustanovu kao ustanovu.
- (2) Osnivač je obavezan da u Komisiji iz stava (1) ovog člana osigura paritetnu zastupljenost struktura koje predlažu svoje predstavnike u upravni odbor predškolske ustanove. Poslovník o radu Komisije obavezno mora urediti pitanje odlučivanja u procesu donošenja odluka, po principu da sve zastupljene strukture u Komisiji imaju jedan glas.
- (3) Kandidati za člana upravnog, odnosno nadzornog odbora predškolske ustanove podnose prijavu na javni poziv na prijavnim obrascu čiji sadržaj i oblik propisuje Ministarstvo za predškolsku ustanovu kao javnu ustanovu, odnosno osnivač za predškolsku ustanovu kao ustanovu.
- (4) Za predstavnika Ministarstva u upravnom/nadzornom predškolske ustanove ne može se birati osoba koje ima status roditelja ili zaposlenika u predškolskoj ustanovi.
- (5) Prijave kandidata predstavnika roditelja prosljeđuju se Vijeću roditelja ustanove, a prijave kandidata predstavnika stručnih saradnika/ zaposlenika predškolske ustanove prosljeđuju se stručnom vijeću odgajatelja.
- (6) Prijave kandidata za predsjednika upravnog/nadzornog odbora predškolske ustanove kao javne ustanove prosljeđuju se Ministarstvu.
- (7) Prijave kandidata za predsjednika upravnog/nadzornog odbora predškolske ustanove kao ustanove prosljeđuju se osnivaču.

- (8) Komisija iz stava (1) ovog člana, prije dostavljanja prijava kandidata za predsjednika upravnog/nadzornog odbora Ministarstvu odnosno osnivaču, obavezna je obaviti intervju sa kandidatima i ministru odnosno osnivaču dostaviti izvještaj sa intervju sa rang-listom kandidata.
- (9) Prijave kandidata predstavnika lokalne zajednice prosljeđuju se načelniku općine na čijem području je registrovana predškolska ustanova.

Član 8.  
(Konačno imenovanje)

- (1) Konačno imenovanje upravnog i nadzornog odbora predškolske ustanove kao javne ustanove vrši Vlada, za koju je obavezujući prijedlog kandidata iz reda predstavnika roditelja, kandidata iz reda stručnih saradnika/zaposlenika predškolske ustanove te kandidat iz reda predstavnika općine u nadzornom odboru.
- (2) Konačno imenovanje upravnog i nadzornog odbora predškolske ustanove kao ustanove vrši osnivač, za kojeg je obavezujući prijedlog kandidata iz reda predstavnika roditelja, kandidata iz reda stručnih saradnika/radnika predškolske ustanove i prijedlog kandidata - predstavnika Ministarstva.

Član 9.  
(Razlozi za izuzeće u postupku imenovanja)

Za člana upravnog i nadzornog odbora ne može biti izabrana osoba koja:

- je direktor ili pomoćnik direktora predškolske ustanove u kojoj upravni, odnosno nadzorni odbor djeluje;
- je u bilo kakvoj rodbinskoj vezi do drugog stepena sa bilo kojim članom upravnog odnosno nadzornog odbora ili bilo kojim zaposlenim u predškolskoj ustanovi u kojoj je upravni, odnosno nadzorni odbor djeluje;
- ima sudski dosije koji ga čini nepodobnim za članstvo i rad u upravnom/nadzornom odboru.
- je zaposlena na drugoj izbornoj poziciji koja može utjecati na eventualni sukob interesa.

Član 10.  
(Prestanak članstva u upravnom/nadzornom odboru)

Članstvo u upravnom odnosno nadzornom odboru može prestati u sljedećim slučajevima:

- istekom mandatnog perioda,
- kada član upravnog/nadzornog odbora podnese ostavku odnosno zahtjev za prekid učešća u radu odbora,
- ukoliko se radi o zaposleniku, u slučaju prestanka radnog odnosa,
- ukoliko se radi o roditelju, u slučaju da njegovo dijete prestane koristiti usluge predškolske ustanove,
- kada Vijeće roditelja, Stručno vijeće odgajatelja, Ministarstvo, općina ili osnivač, u zavisnosti od grupe kojoj predstavnik pripada, odluči okončati članstvo tog člana u upravnom/nadzornom odboru,
- kada upravni/nadzorni odbor procijeni, većinskim glasanjem, da član upravnog/nadzornog odbora nije u stanju obavljati svoje dužnosti ili njegov angažman u upravnom/nadzornom odboru ugrožava rad upravnog/nadzornog odbora,
- ukoliko preuzeta izborna funkcija dovodi do sukoba interesa u skladu sa zakonom.

Član 11.  
(Imenovanje novih članova upravnog/nadzornog odbora)

- (1) Ako u toku mandata neko od članova upravnog/nadzornog odbora iz bilo kog razloga bude razriješen članstva ili da mu prestane mandat zastupanja određene strukture, upravni/nadzorni odbor pokreće hitnu proceduru popune upražnjene pozicije tražeći od odgovarajuće strukture predlaganje kandidata.

- (2) Predloženi kandidat uključit će se u rad upravnog/nadzornog odbora u svojstvu vršioca dužnosti člana upravnog/nadzornog odbora predškolske ustanove do konačnog imenovanja od strane nadležnog organa.
- (3) Direktor predškolske ustanove obavezan je odmah informisati osnivača odnosno Ministarstvo o okolnostima iz st. (1) i (2) ovog člana, kako bi se osiguralo konačno imenovanje.
- (4) Vlada odnosno osnivač će osigurati da se konačno imenovanje izvrši u roku od 60 dana od nastupanja okolnosti iz st. (1) i (2) ovog člana.
- (5) Mandat novoimenovanih članova upravnog/nadzornog odbora, nakon konačnog imenovanja, traje do kraja mandata upravnog/nadzornog odbora sa svim pravima i obavezama.

Član 12.  
(Razrješenje upravnog/nadzornog odbora)

U slučaju da upravni/nadzorni odbor ne postupi u skladu sa zakonom, a naročito ako upravni odbor ne izvrši imenovanje direktora u skladu sa zakonom, odnosno ako nadzorni odbor blagovremeno propusti usvojiti godišnji izvještaj i obračun, osnivač će pokrenuti proceduru za razrješenje upravnog odnosno nadzornog odbora.

Član 13.  
(Rok za imenovanje upravnog/nadzornog odbora)

- (1) Predškolska ustanova je obavezna prema osnivaču uputiti inicijativu za imenovanje novih članova upravnih/nadzornih odbora najmanje devedeset (90) dana prije isteka mandata njegovih članova.
- (2) Osnivač je obavezan okončati proceduru imenovanja članova upravnog odnosno nadzornog odbora, najmanje petnaest (15) dana prije isteka mandata članova upravnog odnosno nadzornog odbora.
- (3) Rok za uspostavu upravnog/nadzornog odbora novosnovane predškolske ustanove utvrđuje se osnivačkim aktom, uz puno poštivanje principa utvrđenih u zakonu i ovom pravilniku.

Član 14.  
(Opće metode rada upravnog /nadzornog odbora)

- (1) Članovi upravnog/nadzornog odbora će svoje dužnosti obavljati na dobrovoljnoj osnovi i bez bilo kog vida nadoknade.
- (2) Sve odluke upravnog/nadzornog odbora donose se na sastancima odbora.
- (3) Upravni odbor može donositi odluke samo u slučaju da je kvalifikovana većina članova upravnog odbora prisutna na sastanku (2/3, odnosno četiri člana), a odluka upravnog odbora će biti legalna samo ako je prosta većina članova upravnog odbora glasala za odluku (tri člana).
- (4) Nadzorni odbor može donijeti odluku samo u slučaju da je kvalifikovana većina članova nadzornog odbora prisutna na sastanku (2/3 odnosno dva člana), a odluka nadzornog odbora će biti legalna samo ako je za istu glasala kvalifikovana većina.
- (5) Članovi upravnog/nadzornog odbora mogu djelovati samo kao kolektivni organ i nemaju nadležnost za donošenje odluka van sastanaka upravnog/nadzornog odbora.

Član 15.  
(Konstitirajuća sjednica upravnog/nadzornog odbora)

- (1) Prvi sastanak upravnog/nadzornog odbora zakazuje direktor predškolske ustanove.
- (2) Na konstituirajućoj sjednici predsjedniku i članovima upravnog/nadzornog odbora direktor predškolske ustanove dostavlja Odluku o imenovanju.

- (3) Ostale sastanke upravnog/nadzornog odbora zakazuje predsjednik upravnog/ nadzornog odbora na način kako je to regulisano poslovnikom o radu.

Član 16.

(Učešće stručnih osoba u radu upravnog/nadzornog odbora)

Prisustvo sjednicama upravnog/nadzornog odbora je obavezno za osobu čije prisustvo sastanku zahtijeva upravni/nadzorni odbor - u slučajevima kada se traži njihovo stručno mišljenje ili ako moraju da daju dodatno objašnjenje za određeno pitanje koje se razmatra na sjednici.

Član 17.

(Obaveza postupanja po nalogu osnivača)

- (1) Članovi upravnog/nadzornog odbora predškolske ustanove kao ustanove će hitno i bez odlaganja u utvrđenom roku postupiti po nalogu osnivača, odnosno članovi upravnog/nadzornog odbora predškolske ustanove kao javne ustanove će hitno i bez odlaganja u utvrđenom roku postupiti po

nalogu Vlade ili Ministarstva pod uslovom da taj nalog nije u suprotnosti sa zakonom odnosno pozitivnim propisima.

- (2) Nepostupanje po nalogu iz stava (1) ovog člana predstavlja osnov za razrješenje upravnog/nadzornog odbora.

Član 18.

(Regulisanje ostalih pitanja bitnih za rad upravnog/nadzornog odbora)

Druga pitanja koja nisu regulisana ovim Pravilnikom, a koja se odnose na aktivnosti upravnog/nadzornog odbora, bit će regulisana poslovnikom o radu upravnog/nadzornog odbora.

Član 19.

(Stupanje na snagu)

Ovaj Pravilnik stupa na snagu osmog dana od dana donošenja, a objavit će se u "Službenim novinama Kantona Sarajevo".

Broj 11/04 - 02 - 2428/11  
7. februara 2011. godine  
Sarajevo

Ministar  
Dr. Emir Suljagić, s. r.

## GRAD SARAJEVO

### Gradsko vijeće

Na osnovu člana 26. stav 1. tačka 18. Statuta Grada Sarajeva ("Službene novine Kantona Sarajevo", broj 34/08), kao i na osnovu članova 7, 13. i 14. Odluke o priznanjima i nagradi Grada Sarajeva ("Službene novine Kantona Sarajevo", broj 34/10-prečišćeni tekst), Gradsko vijeće Grada Sarajeva, na sjednici od 1. februara 2011. godine, donijelo je

### ODLUKU

#### O PROGLAŠENJU POČASNOG GRAĐANINA GRADA SARAJEVA

Član 1.

Dobitnik priznanja "Počasni građanin Grada Sarajeva" je JACQUES CHIRAC.

Član 2.

Priznanje "Počasni građanin Grada Sarajeva" uručit će dobitniku Gradonačelnik Grada Sarajeva.

Član 3.

Dobitniku priznanja "Počasni građanin Grada Sarajeva", uručuje se priznanje u obliku povelje.

Član 4.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-198/11  
1. februara 2011. godine  
Sarajevo

Zamjenik predsjedavajućeg  
Gradskog vijeća  
Salko Nikšić, s. r.

Na osnovi člana 26. tačka 2. Statuta Grada Sarajeva ("Službene novine Kantona Sarajevo", broj 34/08) i člana 5. Odluke o uslovima i načinu dodjele "Šestoaprilske nagrade Grada Sarajeva" ("Službene novine Kantona Sarajevo", broj 4/08), Gradsko vijeće Grada Sarajeva, na sjednici održanoj 1. februara 2011. godine, donijelo je

### ODLUKU

#### O VISINI NOVČANOG IZNOSA POJEDINAČNE I GRUPNE "ŠESTOAPRILSKE NAGRADE GRADA SARAJEVA" U 2011. GODINI

Član 1.

Ovom Odlukom utvrđuje se visina iznosa pojedinačne i grupne "Šestoaprilske nagrade Grada Sarajeva" u 2011. godini.

Član 2.

Novčani iznos pojedinačne "Šestoaprilske nagrade Grada Sarajeva" u 2011. godini utvrđuje se u visini od 10.000,00 KM.

Član 3.

Novčani iznos grupne "Šestoaprilske nagrade Grada Sarajeva" u 2011. godini utvrđuje se u visini od 10.000,00 KM i ravnopravno dijeli među članovima grupe koja je dobitnik "Šestoaprilske nagrade Grada Sarajeva" u 2011. godini

Član 4.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-199/11  
1. februara 2011. godine  
Sarajevo

Zamjenik predsjedavajućeg  
Gradskog vijeća  
Salko Nikšić, s. r.

## OPĆINA CENTAR

### Općinsko vijeće

Na osnovu čl. 40. i 47. Zakona o prostornom uređenju ("Službene novine Kantona Sarajevo", broj 7/05) i člana 10. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Dvadeset četvrtoj redovnoj sjednici održanoj 25. januara 2011. godine, donijelo

### Vrsta plana

Član 1.

Pristupa se izradi Urbanističkog projekta "JEZERINE - POLJINE" (u daljnjem tekstu: Plan).

### ODLUKU

#### O PRISTUPANJU IZRADI URBANISTIČKOG PROJEKTA "JEZERINE - POLJINE"